

Кузь нэм да бур шуд!

Эжа йывлөн слава

Елизавета Изосимовна Гуляева

Чужис 1937 вося сентябр 4 лунё Ручын. 1962 восянь вёлі корректорён «Ленинская правда», а сэся «Ленин туйод» да «Парма гор» газетъясн. Быдтис да велодис квайт пиос.

Бур уджысь сетисны «Уджывса ветеран» медаль да уна почёт грамота, уна челядьос чужтөмысь - «Материнство» кык медаль.

Өні шойччө, олө Куломдінын.



Звезда

Эжа йывса войтырлөн газет

Петө 1929 восянь

Воторник, 2011 вося декабр 20 лун

152 (10427)-өд №

Пöрысь нывкөд
өти керкаын
ов - некутиом
сöтана оз ков
(коми шусьöг)

ТÖДÖЙ, МЫЙ ВЫЛЫС

ВÖР ЗАПТÖМ ЧИНÖ

«Монди СЛПК» улö пырысь районса предприятиеяс тавося дас өти тöлысьон заптисны 745,5 сюрс кубометр вөр, кольöм вося динö 81,6 процент.

Вөр заптöм медсяö чинис «Монди СЛПК» лесная компаниялөн» Куломдинса филиалын. Тулысьянь оз пöрдчын Тимшерса юкөн. Арсянь эз уджав и Нем. Кольöм воын серти уджык заптис сөмын Прупт.

ПЕТКÖДЛІСНЫ КИПОДТУЙ

Сыктывкарын мунис «Войвывлөн донъя-сянтор» республикаса выставка-ярмарка.

Ас киён вöчөмторъясон петкөдчисны и миян районсаяс. Выставка вылö волюсьясöс пензөдисны М.В.Катаевалөн, Е.А.Игнатовалөн, О.В.Токмаковалөн, Л.В.Шаховалөн скомодысь, ньöрысь да вурунысь вöчөмторъяс.

ПАСЙИСНЫ И МИЯНÖС

Воинскöй үчөт вылö сувтöдöм кузя республикаса смотр-конкурслөн кывкөртöд серти медбуръяс лыдын пасйисны и миянлысь районнымöс.

А меставывса муниципалитетъяс пöвстын коймөд места босьтис Помöсдин. Район да Помöсдин петкөдчасны Рытывывса военной округон йöзöдöм смотр-конкурсн.

КНИГА ВÖСНА ТÖЖДЛУНÖН

Чукöртчылисны районса библиотекаясн уджалысьяс.

Вöчисны вогöрся уджлы кывкөртöд. Шуисны, мый книгаяс вöсна медбур дөзöрыс Лопъявадысь Г.Д.Паршуковалөн, Помöсдинысь Г.И.Камбаловалөн да Кужийысь О.Е.Кузнецовалөн. Тöдмасисны уджын вежсьöмъясон, выль уджалысьяскөд.

УЛИЧАЯС ЮГДІСНЫ

Тöдчымöн югдисны уличяяс Донын, Джеджимын да Шöбрьягын.

Донса администрация пöртис олөмө «Югид керка» республикаса программа, код серти вичмөдисны 347 сюрс шайт, мый вылö вежлалисны да содтöд пунктисны уличяяс вылö 89 лампа.

МОГМÖДÖ ПЕСКÖН

Парчса да Лебежнöйса олысьяс оз кольны пестöг.

Бара на сийос ваялö предприниматель Василий Селиверстович Напалков, кодлөн эм аслас техника.

ВЕЛÖДÖ ТОМЪЯСÖС

Районны буря тöдса ветеран-спортсмен А.И. Пименов босьтчис дасьтыны лыжиөн том котралысьясöс.

Сямлунсö сетö Куломдинса 7 нывкалы да зонкалы, ноябрьянь аслас машинаон дон босьтöг новлөдлө найос «Пожöма ягса» котраланинö.

Асланым да общ. корреспондентъяс.



Декабр 14 лунö районса юралысь Д.А.Шатохин сетис республикалөн юбилейкөд йитöдын лэдöм пас да дзоридзяс Роспотребнадзорлөн районса юкөнысь медшöр специалист-эксперт Л.Ю.Савельевалы.

- Тадзи пасйöмсö ме некыдз эг виччысь, - висьталис Людмила Юрьевна, - кöль уджос нэм чöк вöча сьöломсянь да кывкутöмөн.

Л.Ю.Савельева Куломдинса. Шöр школа бöрын велöдчис Сыктывкара медицинскöй училищяын, мунис мам кок туйодыс, кодi вöли райбольничаян медсестраөн. Училище бöрын матö куим во уджалис райбольничаян фельдшер-лаборантөн. Сэся велöдчис водзö да помалис Санкт-Петербурга медицинскöй академия. Уджалис санитарнöй врачөн, веськөдлис санитарнöй юкөнөн. 2005 восянь медшöр специалист-эксперт. Зильö, медым йöзлы эз вузавны тшыкөм сөян-юан, төвар да с.в.

Гижöд да сямок Николай ЛЮТОВЕЛÖН.

КОМИ РЕСПУБЛИКАЫН

ЙÖЗ ВÖСНА ТÖЖДÖН

Республикалөн бюджетысь содтöд сьöм веськөдасны социальнöй законъяс да программаяс олөмө пöртöм вылö.

Та йылысь юөртис республикаса юралысь Вячеслав Гайзер, кор сувтлис 2011 во кежлö республикалөн бюджет йылысь законö вежсьöмъяс пыртöм вылö. Документöс видлаласны декабр 20 лунö республикаса Госсоветлөн заседание вылын.

Законлөн бала серти республикалөн бюджетын доходъяс содасны 1 миллиард 674 миллионысь уджык шайт вылö. Сөдтöд сьöм кызвыннас лоис котыръяслөн прибыль вылö налог да физическöй лицояслөн доход вылö налог весьтö, кодi кольöм воын серти тöдчымөн содис.

«Урчитöмысь вывти воысь сьöм веськөдам республикаса бюджетысь «розь» тупкөм, а сідзжö социальнöй законъяс да программаяс содтöд сьöмөм могмөдöм вылö. Торйөн кө, Великой Отечественной войнаса ветеранъясöс оланінъясон могмөдöм, ыджыд арлыда да вермытöм йöзос дөзöритöм, торъя медицинскöй отсöг сетöм, дзоньвидзалун ёнмөдöм, öдий лэптан стрöйбаяс кыпöдöм да мукöдтор вылö, - юөртис юралысь. - Эска, мый депутатъяс ошкасны законлысь татшöм баласö».

Коми республикаса юралысьлөн да правительстволөн пресс-служба.

СЬÖМ ОЗ СЕТНЫ

2012 воын вужвыйөн дзоньтасьöм могысь сьöм оз сетны көкъямыс муниципалитетлы. Тадзи кывкөртисны оланін законодательство олөмө пöртöм кузя общественнöй совет вылын. Заседание вылын сёрнитисны локтан воын уна патераа олан керкаяс вужвыйөн дзоньталöм йылысь.

Кыдзи юөртис архитектура да стрöйтчöм кузя министр Николай Смышляев, 2012 воын республикалы торйөдасны 156,7 миллион шайт. Тайö сьöмсö юкасны оз став муниципалитетлы, сы вöсна мый министрлөн кывъяс серти, «ёнасö юкны нинöм». Сідз, ЖКХ реформируйтан фондусь сьöм оз босьтны Воркута, Инта, Усинск, Ухта, Куломдин, Ижма, Вуктыл да Сыктывдин район.

Сьöм юклөгөн тöдвылö торйөн босьтисны сийос, кыдзи пöртсьöны олөмө ЖКХ реформируйтан фондлөн корöмъяс. Пример вылö, Сыктывдин район видзис торйөдлөм став сьöмсö. Та вöсна сылы вермасны сетны сөмын сэк, кор лоö содтöд сьöм.

Министрöс вежысь Александр Лучшевлөн кывъяс серти, тöдвылö босьтöма став тырмытöмторъяс. Сідз, Усинскын, Воркутаын, Ухтаын, Изьва районын öнiөдз оз уджавны 2009-2010 воасын сувтöдöм счөтчикъяс.

Пыртöма вежсьöмъяс. Öнi уджъяс вöчигөн быть колö сувтöдны счөтчикъяс.

КОМИИНФОРМ.

МЫЙ МЕДОНА



Куломдінса пенсионерка Магдалина Эриховна Морохина:

«Медым йёз олісны өтсөгласон, эз лёксыны да вежавны ота-модлы.
Медым том йёзлы вөлі сёлөм серти удж да бур удждон».

Дон вештөмөн



УДЖАЛӨНЫ ЛУН И ВОЙ

ВӨР ЛЭДЗАН КОМПЛЕКС

Кор ме вөлі «Монди СЛПК лесная компания» Прупт юкөнса пурьясянинё, декабр өтиод лунсянь вежонон вөлі кыскөмаось 2,5 сюрс кубометр вөр. Пурьясьяс эз уджавны, а вичысисны вөр тыра машина.

- Кыскась сөмын асланым нель машина, - висьталіс мастер Иван Михайлович Лодыгин. - Та вөсна уджалам өти сменаон. Содтөд машинаяс вичысыам «Эжватрансянь». Сэки, чайт-

яс бура дзоньталісны техника.

- Мед сөмын вөлі вөр, - кывкөртисны өт-вылысь.

- Мед сөмын бура мынтисны, - содтис код-кө.

Петкөдөм выло вөр-ын эм 300 сюрс сайё кубометр. Джынсыс унджыксо колө лэччөдлыны Сыктывкарса ЛПК-ө, мыйтакө Кебангьель дорө, а бурджыксо - пурьясь.

Тайё гижөдсө газетө дасьтөгөн Прупт юкөн-



сьё, өддзам. Лёсьодам кык бригада да кутам уджавны кык сменаон.

Төдвылын татчө, Немеч пөлөйө, мартын волөм. Уджалісны лун и вой, куйм сменаон. Пукалысьяс эз тыдавны. Тэрмасисны, медым Эжва вөсьытөдз пурьявны 120 сюрс кубометр вөр. И удитисны, урчитөмсө вөчисны ас кадө. Локтан тулыс кежлө пурьясьё колө пуктыны дас сюрс кубометрөн унджык. Сідзкө, ковмас уджавны нөшта зільджыка.

Эскөдисны, мый на сайын делө оз сувт. Ставыс дась. Гөжөмнас разлысны читасян эстакадаяс да лёсьөдалісны вөр пачкаяс ректөм выло «зепьяс». Трактористь-

сянь юөртисны, мый «Эжватранс» котыр-сянь локтис 15 машина. Эмось асланыс олан вагоньяс и столөвөй. Кыскасьоны вежласьөмөн лун и вой. Пурьясьяс уджалөны кык сменаон. Вөрсө, мый оз удитисны пуктыны пурьясьё, ректөны торъя чукорьясьө водзө нуом выло, медым сөмын унджык петкөдны бур туй дорө.

Иван ТАРАБУКИН.
Авторлөн снимокьяс вылын: **пурьясьяс В.И.Лодыгин, С.А.Кочанов, В.Н.Лодыгин да В.В.Малышев; тракторист И.В.Самарин.**

КОМИ КЫВЛЫ ПОМ?

МАЙШӨДЛӨ МЕДСЯ ЁНА

Эмакыв, кадакыв, кывберд, сёрникузя да с.в. Тайё - комиодом терминьяс. Коми-роч словарё, комион кө кывчукорё, видзөдытөг оз быдөн гө-гөрво кывьяслысь вежөртассө. Торйон нин найё, кодьяслы колём нэмө коми да роч кывьяс велөдигөн сущестительнойид сущестительнойон и вөлі, глаголыд - глаголөн, сказуемойид - сказуемойон да с.в.

- Ме велөд роч да коми кыв. Эг чайт, мый татпөма гудыртасны чужан кывнымс. Пенсия вылын нин корисны велөдны гортас вермытөмс. Мед велөдны сийёс, коліс эськө велөдчыны аслым. Шуи, мый бурджык велөдны важ велөдчан книга серти. Мунісны воча. Зонкалы чужан кыв сетчис зэв бура. Чуйми, кор пыравлі школаө да төдмалі, мый роч 10-11 классьясын коми литература вуджөдомась да велөдны рочон. Рочөдомнас коми кывлөн аслыспөдлуныс да мичлуныс вошөма. Коми гижьясьясыс комион и колө лыддыны. Велөдьясьяслөн висьталөм серти, велөдны кө медводдза классьянь, то вочасөн челядь велөдны. Но эскысьяслөн сьёкыда. Меным, пример выло, корө некыдзи оз колыны төлысьяслөн комиодом нимьяс. Уна гөгөрвотөм кыв кыла радио да телевизор пыр коми кыв вылын муныс передача-сысь. Татшөм коми кыв эг кывлөй пөль-пөчлысь, тадзи эз сёрнитлыны. Эз ков вөрзөдны кывсө, - висьталіс сөлөм дөйсө Куломдінсьяс народной просвещениеса отличник Дина Петровна Буракова.

1996-1997 восясын коми кыв кузя велөдчан книгаяс комиодисны дзикөдз. Сьөкыд вөлі весиг велөдьясьяслы, но вочасөн «пырөдчисны», а бать-мамлы сийё лоис быттьгө йёз кывин. Эз гөгөрвоны, эз вермыны отсавны. Кодсюрө, дөна словарьяс нөбөмөн, челядыскөд коми кыв велөдисны выль пөв. Артмис сідз, мый вочасөн коми бать-мам челядысьсө сетисны роч классьясө.

Талун кежлө коми кыв, кызди чужан кыв, велөдны Вочса, Зимстанса, Керчомьяса, Пожөгса, Помөсдинса, Ручса, Куломдінса, Немдінса шөр, Кужса, Мысса, Донса, Скөрөдумса, Шөрьяса, Ярашгыса өкмыс класса, Вылыс Вочса ичөт класса школясын, Кекурса, Бадьельйывса, Парчса, Вөлдінса школа-садийн. Ичөт класса вудччысь Мария Чувьурова.

- Меным и водзө окота вөлі чужан кывйөс велөдны сетсьө куйм час,

лыддысьны - кык час. 6-8 классьясын коми кыв велөдны 2,5 час, литература - өти час да джын. Окмысөд классын сетсьө кык часон и кывлы, и литературалы. Окмысөд классын велөдчысь бытть сдайтө экзамен коми кывйысь, а 11 классын - коми литературалы. Коми кыв, кызд государственной кыв (мөд ногон кө, велөдны сёрнитны комион - М.Д.), велөдны Диясёрьяса, Дереваннойса, Зимстанса, Кебангьельса, Озьягса, Тимшперса, Куломдінса, Югьдьягса шөр, Белоборкска, Логьявудса, Смолянкса, Ягкөджда өкмыс класса, Паспомса ичөт класса школясын, Пузласа да Лөгиньягса школясын велөдны кызд чужан, сідзи и кызд государственной кывйөс. Коми классьясын, көні эмось роч челядь, нуөдөны факультативьяс. Тадзи велөдчө Керчомьян нель, Ручын - 15, Кужйын - өти, Донын - көкъямыс, Помөсдиньн - көкъямыс морт.

- Велөдны кө коми кыв медводдза классьянь, челядь велөдны өйдө. Дерт, бать-мамлы сьөкыд. Колём велөдчан воын нельөд класса велөдчысьяслөн бать-мам шыөдчисны, мед коми кыв велөдны кызд государственной. А челядтаво юасьоны, кор пө лоө лыддысьян коми урок. Вежонон коми кыв да литература велөдисны вит час, а өні сөмын кыкөс. Тайё налы абу сөлөм серти. Таво школары сетисны коми кабинет, кытчө пырөны экран, проектор, дискьяс. Асьным ми, коми кыв велөдьясьяс, велөдчам вөдитчыны компьютерөн. Ме чайта, мый коми кыв велөдом бурмас, - сёрнитис Куломдінса шөр школарыс коми кыв велөдьясьяс Любовь Александровна Кочанова.

Талун районас школарысын коми кыв, кызди чужан кыв, велөдө 1435, кызди государственной - 1567 морт. Чужан кыв велөдьясьяс воысь воө чинө. Бать-мамлөн шыөдчөм серти кызд государственной кыв куйм во нин велөдны Дереваннойса челядь.

- Велөдчыны лоис сьөкыдджык. Школаө пырөмсьянь вөлі коми классын. Оні менө велөдны сёрнитны комион, - висьталіс Дереваннойса школарыс көкъямысөд класса велөдчысь Мария Чувьурова.

- Меным и водзө окота вөлі чужан кывйөс велөдны пыдисянь. Меным сийө сетчис кокниа. Ачым коми, бать-мам комиөсь жө, отсавлісны вөчны гортса удж. Гортын да өртъяскөд сёрнитам комион, - шуис Татьяна Лобанова.

- Государственной кыв выло вуджөмөн лоис кочиджык. Велөдчан книгаын быд тема дорө эмось вуджөдомьяс. Кокниа вермасын отсавны бать-мам. Ичөт классьясьянь велөдчам и английской да французской кывьяс. Отпырйө куйм кывтө велөдны челядылы сьөкыд. Содтисны информатика урок. Оні коми урок вылын эм позьянлун төдмавны унджык. Велөдчан книгагас тырмөны. Дерт, мыйсюрө майшөдлө. Эмось компьютерьяс, но диск судзөдны сьөкыд, - висьталіс Дереваннойса школарыс ичөт классьяс велөдьясьяс Галина Генриховна Ракина.

Ва коми кыв вөчөм абу сөлөм сертигис тайё жө школарыс коми кыв велөдьясьяс Татьяна Васильевна Зеленовалы:

- Урокнымс кывзисны бать-мам да эз гөгөрвоны, мый висьталім, быттьгө сөрим. Босьтчигөн и аслым терминьясыс вөліны сьөкыдөсь. Государственной кыв выло вуджөм бөрын велөдчан коми книгагас куйлөны джаджйын. Ме натөг ог вермы, тшөкыда босьтла. Онія книгагас пиысь сөлөм выло оз во сизимөд класслы «Ордым» книга. Кутшөм кывья челядылы сийө? Кызыныс диалекта кыв. Кодкө пукало да, колө и оз, лёсьөдалө «коми» кывьяс. Со оні «Коми му» газетын гижөмаось: «война» пө «ошман», «плакат» - «сераку». Куйс гөгөрвоана, а мыйла сера? Чужан кывным миян зэв мича, сийөс «комиодны» оз ков. Водзти коми кыв велөдьясьяс челядылы водзө велөдчыны пыригөн вөліны кокнөдьяс. Оні абуось. Тайё абу жө бур.

Но векжө эмось школаяс, көні коми кывлы сетөны ыджыд төдчанлун. Он кыв рочасьөм Немдінса школаын.

- Колём воын 11 классын Югьдьягьясьяс велөдчис кык роч ныв. Ни өтчидысь эз шуны, мый оз кутны велөдны коми литература, коть эм роч выло вуджөдом книга. Экзамен дырйи зэв бура лыддисны коми кыв вылын велөдом кывбур. И таво Югьдьягьясьяс 10-өд классын велөдчө роч ныв. Нуөдм коми кывлы сиөм вежон. Отсасисны бать-мам, пөльпөчьяс. Миян челядь пыр петкөдчөны олимпиадаясын, конкурсьясын да

вермөны, йөзөдчөны «Йөлөг» да «Парма гор» газетьясын. Коми пединститутса лицейлөн финн-йөгра юкөнын велөдчөны куймөн дасөд классыс да өти дас өтиөдысь. Миян эм коми кабинет. Эм и енбия челядьсө сөвмөдан жыр, көні велөдчам гижны кывбурьяс, сочинениеяс. Коми кывйысь өтдортчыны некыдз оз позь. Челядь бура велөдны. Сөмын бать-мамлы оз ков повны сьөкыдлуньясьяс, - висьталіс Немдінса шөр школарыс коми кыв велөдьясьяс Елена Фёдоровна Нестерова.

Коми кывлөн вежон муніс районас школарыс. Колём велөдчан воын медся бура котыртіс да нуөдис Помөсдиньясьяс Татьяна Владимировна Уляшева. Мөд места босьтис Мысысь Людмила Леонидовна Паршукова, коймөдөс - Зимстаньясьяс Людмила Николаевна Лодыгина да Изабелла Пантелеймоновна Орехова. Вөлі и коми кыв велөдьясьяслөн конкурс. 15 школарыс петкөдчис 18 морт. Номинацияс серти медся бурьясьяс олоисны Мысысь Людмила Леонидовна Паршукова, Куломдіньясьяс Елена Петровна Кокшарова, Пожөгьясьяс Владимир Игоревич Шомысов, Помөсдиньясьяс Ольга Владимировна Шебырева, Озьягьясьяс Диана Алексеевна Гребенюк да Кебангьельсьяс Галина Ивановна Игнатова. Велөдчысьяс пыр вермөны коми кыв да литература кузя республикаса олимпиадаясын. Медводдза места босьтисны Ручысь Татьяна Расова да Озьягьясьяс Сергей Кочанов, мөдөс - Помөсдиньясьяс Алексей Дроботун, коймөдөс - Озьягьясьяс Елена Полиевская да Помөсдиньясьяс Нелли Игнатова. Миян енбия челядь велөдчөны гөжся университетын. Найөс пыр ошкөны коми кыв бура төдөмысь. Коми кыв төдтөг (колө сдайтны экзамен) он пыр Коми пединститутлөн ичөт классьяс да коми кыв велөдьясьяслөн факультетө, Сыктывкарса университетлөн коми да финн-йөгра кывьяс филологиялөн факультетө, Сыктывкарса педколледжлөн воспитатель да коми кыв велөдьясьяслөн юкөно.

Карьясын бать-мам челядысьяс дзөлясьянь новлөдлөны йөз кыв велөдан кружокьясө, быдсяма кывья челядь велөдчөны гимназиясын, көні пыдисянь велөдны и коми кыв. Оз повны сьөкыдлуньясьяс. Татарияын, көні роч кывйысь отувья экзаменьяс дырйи паньдасисны жө мытшөдьясьяс, эз вуджны роч кыв выло. А миян... Кызд государственнойсө велөдчөмөн, коми кыв лоас «кызья рочон», а сөсья бырас дзикөдз.

Марина ДАДАШОВА.

И ВИЧМИС ЛЕНИН ОРДЕН

М.К.Игнатовлысь «Взгляд сквозь годы» книга лыддигон 116-од лист бокыс синмө шыбитчис татшом юор: районса комсомольской организациясын да том йоз повстын ёна сёрнитисны Руч сиктын (Войпока грездын) чужлом, «КИМ» колхозын вөвлөм уджалысь, а ёни - 1940 воын - Рабоче-Крестьянской Гёрд Армияын служитысь, ВКП(б)-са членө кандидат И.А.Попов йылысь, кодлы финнъяськөд войнаын асьбө збой да повтөм салдатон петкөдлөмысь СССР-са Верховной Совет Президиумлөн Указ серти сетисны Ленин орден, странаса сакся кадө медыджыд награда.

Меным окота лоис төдмавны кызд поэбө уджык тайө морт йылысь. Шыаси Михаил Константинович дорө, но сийө вочавидзис, мый уджыксо, книгаын гижөмысь өтдор,

НЕКОД ЭЗ ВУН, НИНОМ ЭЗ ВУН

висътавны оз вермы, да вөзйис пыбдчыны Александр Павлович Юдин дорө. Сидзи и вочи. А.П. Юдин шуис, мый Иван Алексеевичос сийө оз помнит: сылөн кулан воын вөлі сөмын нель арөса, но мамыс - Лидия Михайловна - вермас висътавны унатор.

Висътала ыджыд аттё Нина Александровна Самариналы, коді пыр отсасё меным корсысыя уджын. Кор вои Керчомъяё, буретш сыкөд мунім Лидия Михайловна динө. Олөма нывбаба, коді чужліс кольбөм нәмсяс комынөд воясын, висъталіс:

- Ме ачым Войпока грездысь, коді вөлі Руч сиктсөвет улын. Ёни абу нин, водзтэ вөлі 12 овмөс, и, менам помнитмөнгя, сәні вөлі «КИМ» колхозлөн бригада. Сийөн веськөдліс буретш Иван Алексеевич Попов - ыджыд тушаа, шань да бур

сьөлөма морт. Меным вөлі 14 арөс, кор война вылысь сийө воис ёна ранитчөмөндоймалөмөнд да бара кутіс бригадраны. Сәки колхозъясы «лэдзлісны» вөр порөдан план, и бригадир котыртіс сийөс тыртөм да ветыртөм могысь йөзлысь удж. Кык төв кер дорын вөлі и ме.

Война вылын вөліны и Иван Алексеевичлөн Василий да Евгений вокъясыс. Василий Иванович война вылысь гортас эз во, и бөрынджык Наталья Дмитриевна гөтырыс овмөдчис Иван Алексеевичкөд. Евгений Алексеевич куліс во вит сайын.

Лидия Михайловналысь куалі, эм-ө сы ордын И.А.Поповлөн коть өти фотокарточка. Лидия Михайловна вочавидзис, мый фотояс да документъяс вермасны лоны И.А.Поповлөн Агния Васильевна Малева племянница ордын, коді олө Озъяг посё-

локын. Вермасны лоны фотокарточкаяс и Кулөмдинын олысь Елена Евгеньевна Лапченкова племянница ордын.

- Да, эм өти ли кык фото, - вочавидзис тайө нывбабаыс телефон пыр да сы дорө волөм бөрын сетіс сканируйтны фотоясбө. А районса юралысь Д.А.Шатохинлысь кори машина ветлыны Озъягө. Корөмөс могмөдіс. Газет пыр висътала сылы зэв ыджыд аттё.

Агния Васильевналөн фотояс эз вөвны, но сийө висъталіс, мый Руч сиктын эм Иван Алексеевич Поповлөн рамка пытшкын Ленин ордена ыджыд фотография. Колө сөмын шыасыны Анна Александровна Попова (сиктса ногөн кө, Наталь Миш гөтыр) дорө.

Кад абутөм вөсна Ручө эг ветлы, но «Парма гор» газетса главной редактор Василий Григорьевич Лодыгин көйіс отсавны меным вөчны фотокопия. Помала сийөн, мый



талун эз на сюр Ленин орденөн пасйөм кузя указлөн петан стөч кадыс, эз сюр и И.А.Поповлөн подвиг йылысь гижөд. Менам киясө эз на жө веськавлыны орден-медальяс да налөн удостоверенияс. Шыөдча Иван Алексеевич Поповлөн рөд-

вуж дорө: отсыштөй меным, и ме вөча став верманасө, медым сы йылысь память коліс нәмгяс кезлө уна йөзлөн вежөрын.

Василий ПОПОВ.
Снимок вылын: И.А. Попов (шуйгавылын) ёртыскөд.



КОКТӨГ, НО КЫПЫД ЛОЛӨН

- Менам батыёй - Дмитрий Алексеевич Мартюшев - чужліс 1925 воын Канаваын. Быдмисны вит чоя-вока. Бать-мамыс кулісны водз. Олісны рөдвуж дорас, сәсся быдмисны да велөдчисны челядьлөн Керчомъяса керкаын. ФЗУ-ын вурсьысьбө велөдчөм бөрын баты 1943 воын муніс война вылө. Вөлі Ленинградса фронт вылын. 1944 вося июныын, стройын сулалігөн да командирөс кывзигөн, спорисны мина улө. 12 морт пыис лөйөн коліс өтнас, - казтыліс Кулөмдинысь Светлана Дмитриевна Мингалёва.

«Раздробление всех костей стопы левой голени». Тадзи гижөмаось Сольвыгегодкса госпитальын, көні пидзөсөдз шуйга кокоё вундөм бөрын пуктісны протез. Бурдөдісны во чөж да лэдзисны гортас. Дзик пыр чужанінэ эз во. Уджалис Кулөмдин кывтыдпомса мастерскойын вурсьысьбөн. Канаваө кайис төвнас. Пырпыр уджавны «1 мая» колхозө тшөгайтчысьбөн. Сәні жө уджаліс Екатерина Николаевна, сәки Катя на. Рытпукъяс да гажъяс дырйи Дмитрий Алексеевич ворсліс гудөкөн да бала-лайкаөн, а ныв зэв мича сылыс. Мича гөлөснас, көнкө, и муса лоис зонлы. 1945 вося май 9 луно ворсісны көлысь. Чужисны челядь: Светлана, Геннадий, Маргарита, Юрий, Константин. Ставнысө велөдісны, петкөдісны олөмө. Светлана вөлі Кулөмдинса пинь бурдөданінын медсестраөн.

Геннадий уджаліс чужанінас колхозын. Маргарита почтальноналіс Зимстанын. Юрий уджаліс Вочса госпрохозын, а сәсся муніс овны Сыктывкарө. Зильө Лунвыв электрической сетьясын, сылыө-йөктө Кулөмдинса землячествөын. Константин вөлі начальникөн Канавааса аэропортын. Сәсся тшөтш муніс юркарө.

- Гожөмъясын чукөртчылім ставбөн. Бать да вокъяс ворслісны баянө да гудөкөн. Ми сылым. Сиктсаяс пыр и шулісны: «Мите семья лөктөма» да волісны видзөдлыны. Гажөдчылім асылөдз.

Дмитрий Алексеевичос пыр майшөдліс войнадьрыс дой. Отарө ветліс санаторийясө да госпитальясө. Сьөкыда висис и гөтырыс, куйліс сизим во. Видзис гөзъясө Светлана нылыс. Отпускъяс дырйи вежисны семьяснас вокъясыс. Төждысисны и внук-внучкаяс.

Дмитрий Алексеевичлы сетісны Кулөмдинысь патера, но регьд и кувис. Светлана Дмитриевна тшөкыда босьтлө киас снимокъяса альбом, батыслөн наградаяс йылысь книжкаяс. Вөрөгкөд повтөм тышысь эмөсь Отечественной войналөн медводдза тшүпөда орден, «За отвагу», «Уджывывса ветеран» да юбилейной медальяс.

Марина ДАДАШОВА.
Авторлөн снимок вылын: С.Д.Мингалёва Саша внучка-ыскөд.



ЧЕЛЯДЬЫС МЕДСЯ ДОНАӨСЬ

- Челядь меным медся донасө. Пыр мөвпалі ыджыд семья йылысь, медым шоньд, кыпыд керкаын дзользисны унаөн, - ичөтик Марина нывсө морөс бердас топөдөмөн да сылысь небьд юрсисө пыльөдөмөн висъталіс Диана Анатольевна Чувьюрова. - Талун кезлө куимөнөсь. Настя да Маша гырысьбөс нин - отсасысыс.

Челядь дорө муслун вуджис, тыдалө, мамсяныс: сылөн батыскөд сизим ныла-пиа. Диана Анатольевна медыджыд. Медуна и ковмис бергөдны. Бать-мам водз асывсыя мунлісны удж вылө да коліс видзөдны ичөтджык чой-вок бөрся, идравны скөт. Тайө, кыв шүтөг, отсаліс водзө олөмын. Школа бөрын велөдчис Сыктывкарса квайтөд номера училищеын операторө, но Дереваннойса почтаын уджалан места эз вөв да пырис совхозө. Тані жө трактористалис Михаил, кодкөд вөліны төдсаөсь школасянь. Отлаасисны да пыр жө босьтысны кыпөдны керка. Совхоз сулаліс зумыда на: отсаліс материалөн и техникаөн.

- Ёна отсасис айка, да и верөслөн тыдаліс киподтуыс: мыйө босьтычліс, сийө и артмис, - ошкис верөссө ань.

Вылө керкаө петісны Настялөн чужөм бөрын. Радейтана верөс, сьөлөмшөр ныв, шоньд

поз. Мый нөшта колө тыр шудлун вылө? Мөд вонас чужис Маша.

- Нывъяс быдмисны звөния моз: пыр вөліны отлаын. И ёни сидзи жө, коть велөдчөны оз өти классын: Настя көкъямысөдын, а Маша сизимөдын. Торъялөны этшананыс: Настя өдийө озыысь да өдийө жө кусысь, а Маша лөнь морт. Кыкнанныс радейтөны серпасасыны. Велөдчөны бура, тшөкыда петкөдчөны ворсөмъясын, гажөдчөмъясын, - нимкодя висъталіс Диана Анатольевна. Сийө ичөтсыяныс велөдіс челядьсө збыльмөдны быд мог, венны став сьөкыдсө, кызди веніс ачыс, лоис предпринимательён. Восьтіс лавка, вузасьбө сёян-юанөн, примитө тшак-вотөс, картофель.

- Мед вердны да пасьтөдны челядьсө, лоө бергөдчыны быд ногөн. Вөдитама ыджыд град йөр, быдтөмсө бура уна вузалам. Видзам кроликъясө. Гортгөгөрсө став удж вөчам отув. Нывъяс кужөны и пусыны да пөжасыны. Лосысь көзаякясы ставсө колө кужны, - кывкөрталігмоз шуис ань.

Шулөмаось: кутшөмөсь пө баты-мам, сэтшөмөсь и челядь. Збылысь.

Галина НЕСТЕРОВА.
Авторлөн снимок вылын: Д.А.Чувьюрова Маша да Марина нывъяскөд.

СЕРАМБАНӨН

СЕРА КИРӨ

Илля лун. Жар. Чукөртчөмаось айловъяс сиктшөрсө ключ дорө да чөсмасьбөны көдзыд ваөн. Кывнысө бертөны, гораа ваксьбөны-сералөны:

- Закар Иванлөн пө керка лөскас понөляс быдмөны. Вевтсө нин писькөдөны, а керавны оз и көйіс, видза пө потшигкежлө.

- А Ёнө Ёгор выль керка лэптөма да өшиньясө писькөдөма войладорө. Сыладор керкаын өд Пекла пөдругаыс олө.

Бара ставбөн сералөны. Видзөдөны - кывтыдпомсянь туй шөрөд котөрөн лөктө Сера Кирө - сиктын медся пөръясысь морт. Ёти кинас юрсысь картузсө кутө нөбалөмысь, мөднас гачсө кутыштө усьбөмысь. Чуксалөны Кирөос айловъяс:

- Кирө, кежав миян дорө! Кытчө тэрмасян? Лөк пөръяв мыйкө, тшөтш сералам!

- Ог эшты, ог эшты! Пөръясыны ни гыжъясыны ог эшты. Кывтыдпомө сов доддя лөктөма. Колө гөтырлы висътавны, мед ветлас, ньбас, - Кирө сувтылтыгө котөртис водзө.

Айловъяс шайпаймунісны. Гашкө, збыль да? Ключ дорысь өдийө разөдчисны гортаныс. Сәсся, кодкө чумана, кодкө ыджыд пу тасыга, кодкө сумкаа, котөртисны кывтыдлань ньбөны сов. Воисны, а сәні ни сов додь, ни Сера Кирө - некод абу. Гөгөрвоисны: бара на пөръяліс Сера Кирөвд. Серамныс эз нин пет. Зумыша довгисны гортлань.

Владимир ИГНАТОВ.
Сордйив.

ВСЁ В ДОМ магазин "Азиевский"

с 20 по 30 ДЕКАБРЯ
АКЦИЯ
на электро-бытовую технику
«Счастливая 7^{емерка»}
Скидка 7 % или рассрочка до 7 месяцев.

Отдел «Техника», с.Усть-Кулом,
ул.Советская, 55 «г». Тел. 93-0-18.


ПОКУПАЮ
жеребят, лошадей.
Тел.: 8 922 584 6022;
8 919 676 6621.

ВСЁ В ДОМ магазин "Азиевский"

с 20 декабря по 10 января
АКЦИЯ «10-10-0»
Вы имеете возможность купить мебель, спорттовары, электроинструмент
С ОПЛАТОЙ СТОИМОСТИ ТОВАРА
В ТЕЧЕНИЕ 10 МЕСЯЦЕВ
- 10 % первый взнос
- 10 месяцев рассрочка
- без комиссий и переплат.

Отдел «Инструменты», с.Усть-Кулом,
ул.Центральная, 89. Тел. 94-3-67.

21 декабря (среда)
в ДК с.Помоздино,
22-23 декабря
(четверг-пятница)
в РДК с.Усть-Кулом,
24 декабря (суббота)
в ДК п.Югыдьяг,
25 декабря (воскресенье)
в ДК п.Тимшер,
26 декабря (понедельник)
в ДК п.Зимстан
«ВЯТСКИЕ МЕХА»
г.Киров (ИП Ставицкий С.А.)
проводит выставку-продажу:
натуральных женских ШУБ;
зимних ПАЛЬТО;
ГОЛОВНЫХ УБОРОВ
из меха, драпа, кожи.
Беспроцентная рассрочка до 1 года.
Первый взнос от 10%.
СУПЕРАКЦИЯ!
При покупке шубы за наличные средства меховая шапка в подарок!*
Время работы с 10.00 до 18.00 часов.
* Количество подарков ограничено.
Подробности у продавцов.



ПАРМА ГОР
Эквивалентная войтырлэн газет

СУДЗӨДӨЙ ДА ЛЫДДӨЙ
«ПАРМА ГОР»

Колис вежон 2012 волон медводдза джын кежлө газетъяс да журналъяс вылө жыводчөм могысь. Кутам лача, мый Эжва йывса олысьяс оз вунөды судзөдны асьяс «Парма гор» газет. Өд сөмын сэтъяс найө вермасны төдмавны район-лысь вьлиторъяс, экономикаын да соци-альной юкөнъясын вежсьөмъяс.

Судзөдан дон татшөм:
тöлысь кежлө 52 шайт 79 көпейка,
куим тöлысь кежлө 158 шайт 37 көпейка,
во джын кежлө 316 шайт 74 көпейка.
Редакция.

ИНФОРМАЦИОННОЕ СООБЩЕНИЕ
о проведении открытого аукциона по
продаже муниципального имущества
муниципального образования
муниципального района
«Усть-Куломский»

Продавец и организатор аукциона: администрация муниципального района «Усть-Куломский» (168060, Республика Коми, Усть-Куломский район, с.Усть-Кулом, ул.Советская, д.37.
Тел 8(82137) 93266, E-mail: ukulom@rkomi.ru

Способ приватизации: продажа муниципального имущества муниципального образования муниципального района «Усть-Куломский» на аукционе.

№ п/п	Наименование имущества	Год ввода	Место нахождения объекта	Начальная цена продаж (в руб.)
1	Крупнопильный станок KARA-F 2000	2006	168060 Республика Коми, Усть-Куломский район, п.ст.Тимшер	1375598,00 с учетом НДС

2) представить следующие документы:
- заявка на участие в аукционе по утвержденной форме в двух экземплярах;
- платежный документ с отметкой банка, подтверждающий внесение задатка;
Физические лица предъявляют документ, удостоверяющий личность.
Юридические лица дополнительно предоставляют следующие документы:
- нотариально заверенные копии учредительных документов (устав и учредительный договор, если несколько учредителей);
- решение в письменной форме соответствующего органа управления об приобретении имущества (если это необходимо в соответствии с учредительными документами претендента и законодательством государства, в котором зарегистрирован претендент);
- сведения о доле Российской Федерации, субъекта Российской Федерации, муниципального образования в уставном капитале юридического лица;
- опись представляемых документов в двух экземплярах.
В случае подачи заявки представителем претендента предъявляется надлежащим образом оформленная доверенность. Один претендент имеет право подать только одну заявку в отношении предмета аукциона.
До признания претендента участником аукциона он может отозвать зарегистрированную заявку на участие в аукционе, уведомив об этом в письменной форме организатора торгов.
На основании рассмотренных документов организатор торгов принимает решение о признании претендентов участниками аукциона или об отказе в допуске претендентов к участию в аукционе, результат которого оформляется протоколом.
Претенденты уведомляются о принятом решении не позднее следующего рабочего дня с даты оформления данного решения протоколом путем вручения им под расписку соответствующего уведомления либо направления такого уведомления по почте заказным письмом.
Суммы задатков возвращаются участникам аукциона, за исключением его победителя, в течение 5 дней с даты подведения итогов аукциона.
Внесенный победителем задаток засчитывается в счет оплаты стоимости муниципального имущества. Оставшаяся часть оплачивается победителем в течение 10 банковских дней с момента заключения договора купли-продажи муниципального имущества по следующему реквизиту:
УФК МФ РФ по Республике Коми (Администрация МР «Усть-Куломский»), ИНН 1114000888, КПП 111401001, р/с 4010181000000010004 в ГРКЦ РК банка России г.Сыктывкар, БИК 048702001, ОКАТО 87 248 885 000, КБК 92311402053050000410.
Договор купли-продажи муниципального имущества с победителем заключается в течение 5 дней с даты подведения итогов аукциона.
При уклонении или отказе победителя аукциона от заключения в установленный срок договора купли-продажи муниципального имущества задаток ему не возвращается, и он утрачивает право на заключение указанного договора.
Дополнительная информация по телефону: **93-5-30, 93-2-66.** Контактные лица: Губер Юлия Ивановна, Касева Евдокия Ивановна.
Претендент аукциона может ознакомиться с документацией и порядком проведения аукциона у организатора аукциона по адресу: 168060, Республика Коми, Усть-Куломский район, с.Усть-Кулом, ул.Советская, д.37, каб. № 17, а также на **официальном сайте муниципального образования муниципального района «Усть-Куломский» www.усть-кулом.рф.**
Данное информационное сообщение является публичной офертой для заключения договора о задатке в соответствии со статьей 437 Гражданского кодекса Российской Федерации, а подача претендентом заявки и перечисление задатка являются акцептом такой оферты, после чего договор о задатке считается заключенным в письменной форме.

Более полная характеристика имущества указана в аукционной документации.
1. Открытый аукцион по продаже муниципального имущества проводится на основании постановления администрации МР «Усть-Куломский» от 13 декабря 2011 г. № 1778.
2. По форме проведения и по составу участников аукцион - открытый, форма подачи предложений о цене имущества - открытая.
Аукцион ведет аукционист.
Аукцион состоится по адресу: 168060, Республика Коми, Усть-Куломский район, с.Усть-Кулом, ул.Советская, д.37, каб. № 32, **9 февраля 2012 г. в 11.00 часов.**
3. Подведение итогов аукциона состоится **9 февраля 2012 года** по адресу: 168060, Республика Коми, Усть-Куломский район, с.Усть-Кулом, ул.Советская, д.37.
Заявки и документы на участие в аукционе принимаются по рабочим дням с **21 декабря 2011 г. по 6 февраля 2012 г. (с 9.00 до 13.00 и с 14.00 до 17.00 часов)** по адресу: 168060, Республика Коми, Усть-Куломский район, с.Усть-Кулом, ул.Советская, д.37, кабинет № 17.
Определение участников аукциона на основании предоставленных заявок и документов состоится **6 февраля 2012 года.**
Величина повышения начальной цены (шаг аукциона) установлен в размере 68780,00 руб. (шестьдесят восемь тысяч семьсот восемьдесят руб. 00 коп.) и не изменяется в течение всего аукциона.
Выигравшим торги на аукционе признается лицо, предложившее наиболее высокую цену, номер карточки которого и заявленная им цена были названы аукционистом последним.
Организатор аукциона вправе отказаться от проведения аукциона в любое время, но не позднее, чем за три дня до наступления даты его проведения.
Покупателями муниципального имущества могут быть любые физические и юридические лица, за исключением государственных и муниципальных унитарных предприятий, государственных и муниципальных учреждений, а также юридических лиц, в уставном капитале которых доля Российской Федерации, субъектов Российской Федерации и муниципальных образований превышает 25 процентов.
Для участия в аукционе претенденту необходимо:
1) не позднее, чем за 5 дней до окончания срока приема заявок внести задаток в размере 10% от начальной цены продажи - 137559,80 руб. (сто тридцать семь тысяч пятьсот пятьдесят девять руб. 80 коп.) по следующим реквизитам: **УФК по Республике Коми (Финуправление АМР «Усть-Куломский» администрация МР «Усть-Куломский»), 02.07.3.009430) ИНН 1114000888, КПП 111401001, л/с С9230003214, р/с 40302810700005000001 в ГРКЦ НБ РК Банка России г.Сыктывкар, БИК 048702001.**

23 декабря 2011 года в администрации МР «Усть-Куломский» (с.Усть-Кулом, ул.Советская, д.37) в 10 часов 00 минут состоятся **публичные слушания** по обсуждению проекта постановления администрации муниципального района «Усть-Куломский» **«О переводе земельного участка из категории земель сельскохозяйственного назначения в категорию земель промышленности и изменения вида разрешенного использования на территории сельского поселения «Мыёлдино».**

23 декабря 2011 года в администрации МР «Усть-Куломский» (с. Усть-Кулом, ул. Советская, д. 37) в 11 часов 00 минут состоятся публичные слушания по обсуждению проекта постановления администрации муниципального района «Усть-Куломский» **«О переводе земельного участка из категории земель сельскохозяйственного назначения в категорию земель промышленности и изменения вида разрешенного использования на территории сельского поселения «Пожег».**

<http://усть-кулом.рф> - официальный сайт администрации МР «Усть-Куломский».

ИНФОРМАЦИОННОЕ СООБЩЕНИЕ
Администрация МР «Усть-Куломский» доводит до сведения граждан, что в соответствии с Земельным кодексом Российской Федерации, статьей 4.1. Федерального закона «О введении в действие Градостроительного кодекса Российской Федерации», правительство Республики Коми на основании постановления правительства Республики Коми № 514 от 18 ноября 2011 года включило в границы населенного пункта села Усть-Кулом для индивидуального жилищного строительства земельный участок с кадастровым номером 11:07:0101005:584 площадью 408751 квадратный метр, местоположение: Республика Коми, Усть-Куломский район, в юго-восточной части кадастрового квартала, категория земель сельскохозяйственного назначения.

ИНФОРМАЦИОННОЕ СООБЩЕНИЕ
Согласно ст.30 Земельного кодекса РФ администрация МР «Усть-Куломский» сообщает о возможном предоставлении земельного участка в аренду, целевое назначение - для строительства и обслуживания бани из категории земель населенных пунктов, находящегося по адресу: Республика Коми, Усть-Куломский район, с.Усть-Кулом, в 12 метрах северо-восточнее дома № 53 «б» по ул.Советская. Общая площадь 24 кв.м. Ограничений и обременений участок не имеет.
Заявки принимаются в течение месяца со дня публикации сообщения в газете с 9 до 13 часов по рабочим дням по адресу: 168060, Республика Коми, Усть-Куломский район, с.Усть-Кулом, ул.Советская, д.37, сектор по управлению муниципальным имуществом администрации МР «Усть-Куломский». Телефон для справок: **93-5-30.**

ИНФОРМАЦИОННОЕ СООБЩЕНИЕ
Согласно ст. 30 Земельного кодекса РФ администрация МР «Усть-Куломский» сообщает о возможном предоставлении земельного участка в аренду из категории земель населенных пунктов, находящийся по адресу: Республика Коми, Усть-Куломский район, д.Модлапов, в 110 метрах восточнее д. № 139, площадью 3322 кв.м для строительства и обслуживания пилорамы.
Заявки принимаются в течение месяца со дня публикации сообщения в газете «Парма гор» с 9 до 13 часов по рабочим дням по адресу: 168060, Республика Коми, Усть-Куломский район, с.Усть-Кулом, ул.Советская, д.37, сектор по управлению муниципальным имуществом. Контактный телефон: **93-5-30.**

Кулөмдиньсь 9 номера «Улыбка» садйын уджалысьяс юкөны ыджыд шогсө рөдвужыскөд да матыс-саясыскөд садса уджалысь
Елена Николаевна МОРОХИНАЛӨН
кадысь водз кувсьөмкөд йитөдын.

Мы глубоко скорбим по поводу безвременной смерти нашего любимого помощника воспитателя -
Елены Николаевны МОРОХИНОЙ.
Она была чудесным человеком. Мы очень уважали её и можем лишь догадываться, каким ударом стал для родных её уход. Примите от нас искренние соболезнования.
Родители старшей группы детского сада № 9 «Улыбка».

ПЕТӨ ВОТОРНИКӨ, ЧЕТВЕРГӨ ДА СУБӨТӨ.
Редакциялөн адрес: 168060, Кулөмдин,
Ленин нима улча, Печать керка.
Редакциялөн расчётной счётъяс -
407 038 104 280 441 000 28
Сыктывкарса 8617 номера Коми ОСБ-ын.
ИНН 1114000824
E-mail: sden2011@yandex.ru
http://парма-гор.рф - официальный сайт
Публикация материалов по освещению реализации социально значимых проектов осуществляется при государственной поддержке в форме субсидии Агентством Республики Коми по печати и массовым коммуникациям.

Главной редактор - 94-5-77; редакторёс вежысь - 94-8-64;
бухгалтерия - 93-9-34 (факс); реклама юкөн, корректор, социальной проблемаяс да письмөяс юкөн - 94-5-80 (факс); экономика юкөн-94-8-65; компьютерной юкөн - 94-3-60.
Газет регистрируйтөма Коми республикаын связьлөн, юөр сетан технологияслөн да массөвй коммуникацияслөн юкөн выдзөдан федеральной службалөн управлениеён. Рег. номер - ПИ № ФС 3-0447.
Заказ 5185. Тираж 2860. Индекс 52062. Объём 1 п.л.
Донысь взөс вылө сёрнитчөм серти.
Поступающие материалы редакция не возвращает, перевод на коми с автором не согласовывает.
Публикация материалов по освещению реализации социально значимых проектов осуществляется при государственной поддержке в форме субсидии Агентством Республики Коми по печати и массовым коммуникациям.

Главной редактор
В.Г.ЛОДЫГИН.
Кырымалөма печатль 14 часын.
График серти - 14 часын.
Учредительяс:
«Кулөмдин» муниципальной котырса муниципальной районлөн администрация, Коми республикаса печатльлөн да массөвй коммуникацияслөн агентство, «Кулөмдин» муниципальной котырса муниципальной районлөн «Парма гор» газет редакция» автономной учреждение.